

Յաբեթէն՝ նախահօրն մերոյ առաջին թագաւոր տանն Արարատեան 'ի վերայ Հայոց, Հայկան որդւոյ Թորգոմայ, որդւոյ Թերասայ, որդւոյ Գամէրայ, որդւոյ Յաբեթայ, որդւոյ Նոյի Նախիջանօղն 'ի Տապանէն 'ի յերեսս յերկրի Արարատու մինչև վերջին թագաւոր Լէվօն վեցերորդի հանդերձ մարգպանօք համարեցան իբրև մի հարիւր քսան և չորս անձինք, թէ 'ի ցեղէն Հայկան, թէ 'ի Վաղարշակայ, թէ 'ի Բակրատեայ, թէ 'ի Ռօբէնեանց և այլ զանազան ազգից մարգպանաց, նաևս այս միջոցաւս երևեցաւ 'ի մէջ աշխարհին մերոյ հաւատարիմք յաղթօղք իշխանք Հայոց նշանաւորք անձինք բազումք, որպէս Գինունիք, Արծրունիք, Մամկոնացիք, Յօրբէլեանք և այլք բազումք, որում յատկութիւնն պատմէ ձեզ Մովսէս Խորենացի անկեղծ պատմիչն, այլ ամենեքեան սոքայ ջանալով ընթացան 'ի գործս իշխանութեան 'ի վերայ տանն Հայոց, այնքան որում գիտութիւն և կարողութիւնն իւրեանց կարէր խոստանալ նոցայ, որ այժմոյս կարօղեմք խոստովանիլ, զի բազումք 'ի նոցանէ ունին երախտիք և արդիւնք 'ի վերայ տանն Հայոց, 'ի պատճառս բարեգործութեանց իւրեանց, և բազումք 'ի պատճառն խելագարութեան իւրեանց թուլացան և անկան և եղին պատճառ բազում փաստու 'ի վերայ տանն Հայոց: